

4 дом кажет труд, леть, от родителей заступление. Сего дому израз^ж 1222.

5 дом кажет — напрасная придет, искати задушная, темница, от детей злоба, а дитя болно. Сего дому израз сий: 2221.

6 дом кажет — кручина от крови, врагом победа, болю лихо и умрет, а изгибшее найдется. Сего дому израз сий: 1221.

7 дом кажет бой, свар, от жены злоба и разлучение, побежит не по своей воли, изгибшее не найдется. Сего дому израз сий: 2121.

8 дом кажет погорение, страх, вести смертныя и нестройныя // убо-^{л. 55} жество, все лихо. Сего дому израз сий: 1212.

9 дом кажет путь зол велми, от государя наклады велики людем. Сего дому израз сий: 1211, 1121.

10 дом кажет и тожде поведает, и израз един.

11 дом кажет — вражда, свар, друг льстив. Сего дому израз³ сий: 2122.

12 дом кажет — враги чаяния своего отпадут, клевета от жены, недруг силен, истец убежит. Сего дому израз сий: 2212.

13 дом кажет на пути убыток и терпение от царя и все недобро. Сего дому израз сий: 1122.

14 дом кажет болезнь и скорбь и убыток. Сего дому израз сий: 2211.

15 дом кажет празднословие и пролитие крови и все лихо не твори. Израз^н: 2111, 1112.

16 дом тожде поведает и израз сей или сей. //

^кЧетвергья на десять святцы арапския Ектаевы и Ивашевы. И израз сий: 1121. Протокование о изразех сицево — обновление лунное сице. Юноша именованье.^л ^{л. 55 об.}

1 дом кажет освобождение и веселие, жена курва, кто в гости поехал — тамо и смерть. Сего дому израз сий: 2112.

2 дом кажет кажет* купити и продати, прибыток будет велий, аще что своею волею изхарчит. Сего дому израз сий: 2222.

3 дом кажет — добро торговати со братиею всякою рухлядию, имение удержится. Сего дому израз сий: 2121.

4 дом кажет веселие и радость, пити охочь со други, на нем лестию пьют. Сего дому израз сий: 1222.

5 дом кажет тужение о жене праздне, боль здрав будет, поги//бшее ^{л. 58} найдется. Сего дому израз сий: 1211.

6 дом кажет — жена курва лукава, путь лих, татыбь* и беглова не найдеш. Сего дому израз сий: 1212.

7 дом тожде поведает и израз един.

8 дом кажет блядьство рабом з госпожею, бой и кровопролитие, смерть. Сего дому израз сий: 1221.

9 дом кажет — в пути велик прибыток, разум, мудрости, много войства, токмо вера лукава. Сего дому израз сий: 2221.

10 дом кажет прибыток, веселие, от государя жалование, на враги победа. Государева рука высока и тебя пожалует. Сего дому израз сий: 2211.

11 дом кажет во всяком деле прибыток, веселие и радость, путь добр. Сего дому израз сий: 1122. //

12 дом кажет дерзость и противление, скорбь в животе, нятец^м вый-^{л. 56 об.} дет. Сего дому израз сий: 1111.

13 дом кажет на пути велий прибыток и честь, от царя пожалован и от сильных радость и веселие. Сего дому израз сий: 2122.

^{ж, з} В ркп. сокращенное написание из с выносным з. ^и В ркп. сокращенное написание из с выносным з. ^{к-л} Заголовок написан на закладке почерком того же писца. ^м Испр., в ркп. знатец.